

LEZOkO



Antzerki Testu Laburren Lehiaketa



HIK
TEATROA

LEZOKO ANTZERKI TESTU LABURREN III. LEHIAKETA

2023an eta 2024ean Lezoko Antzerki Testu Laburren Lehiaketak izandako arrakastaren ondoren, HIKA teatroak eta Lezoko udalak 3. edizioa jarri nahi dute martxan, "Lezoko Antzerki Testu Laburren III. Lehiaketa", alegia.

Proiektu hau, HIKA Teatroa Lezoko herrian garatzen ari den LEZO ESZENA 2025 izeneko bitartekaritza, sentsibilizazio eta publiko berriak sortzeko programaren barne kokatuta dago eta besteak beste, antzerki egileak ikusaraztea, gazteak antzerkigintzara hurbiltzea eta talentu berriak idaztera animatzea du helburu.

LEHIAKETA HONEK BI FASE DITU:

Lehenengo fasean: Behin testuak jasotzeko epea amaitu ondoren, epai mahai aditu batek testu guztien artean SEI aukeratuko ditu bigarren fasera igarotzeko. Horietatik bi gutxienez 35 urte baino gutxiago duten dramaturgoenak izatea balioetsiko da. Hizkuntza aldetik, aurtengo edizioan, **EUSKARAZ idatzitako testuak BAKARRIK onartuko dira** eta generoari dagokionez, parekidetasuna ziurtatutako da.

Bigarren fasea: Sei pieza finalistak, bigarren fase baten lehiatuko dira, IRAKURKETA DRAMATIZATU moduan, **urriaren 4ean** ospatuko den kale jaialdian. Fase honetako testu irabazlea, publikoak berak erabakiko du zuzeneko bozkarekin.

LEHIAKETAREN OINARRIAK

Eremu geografikoa: Deialdi honetara euskararen eremu geografikoko dramaturgo, idazle edo idaztea gustukoa duen edozein hiritar aurkeztu liteke. Euskal eremu geografikoaz ari garenean Euskal Erkidegoaz, Nafarroako Foru komunitateaz eta Euskal Hirigune Elkargoaz ari gara.

Epeak: Testuak jasotzeko epea gaur, **maiatzaren 9an hasiko da eta irailaren 10an eguerdiko 14,00etan bukatu**. Ordu eta egun horretatik aurrera ez da testu gehiago jasoko. Testuak PDF formatuan email honetara bidali beharko dira: "kultura@lezo.eus". Testuarekin batera 8-10 lerroko sinopsia bidali beharko da eta baita pertsonaia bakoitzari buruzko hiru lerroko azalpena. Horrez gain, idazlearen datuak aparte bidaltzea eskatuko da ondoko informazioarekin: nortasun agiriaren fotokopia, karnet erako argazki bat, emaila eta telefono zenbaki bat.

Luzera: 15 minutuko antzerki testu laburrak izango dira.

Estiloa: Antzezlanak komedia/ absurdoa/ tragikomedia estiloen barne kokatuko dira.

Pertsonaiak: Bi guztira.

Gaia: Gaia librea da. Pieza guztietan, ordea, pertsonaia protagonista GAZTE bat izango da. Horrez gain, LEZOko herriak ere, modu librean, traman agertu beharko du.

Hizkera: Ez da hizkera matxistarik onartuko, ezta askatasunaren edo giza eskubideen kontrakorik.

Ebazpena: Sei dramaturgo **finalisten izenak irailaren 19an argitaratuko dira**.

Lehiaketa: Sei testu finalisten **irakurketa dramatizatua urriaren 4ean** egingo da Lezon, kalean ospatuko den festa handian. Testu irabazlea publikoak berak hautatuko du.

Saria: Sari bakarria egongo da, **1200 eurokoa (zerga guztiak barne)**. Eta erabakia publikoak hartuko du jakin gabe testu bakoitza zein dramaturgori dagokion eta zein zuzendarik zuzendu duen. Testu irabazlea zein den jakin ostean, orduan bakarrik emango da informazio guztia.

Testuak ikusgai: Jaialdiaren ostean, irakurketan parte hartutako sei testuak ikusgai izango dira Lezoko Udalaren eta HIKA Teatroaren web orrialdetan, astero bat, nahi duen orok irakurri ahal izateko.

Testuen edizioa: Lezoko udalak eta Hika Teatroak sei testu finalisten liburuxka ilustratua argitaratuko du.

Testuen jabetza: Lan sarituen jabetza egilearena izango da, baina HIKA Teatroak eta Lezoko udalak, urtebeteren barruan, saritutako testuaren eta gainontzeko bost testu finalisten argitalpenen (edizio ilustratu bezala eta bi eragileen web orrialdetan) eskubide eskusiboa izango dute. Horrez gain, sei testu finalisten baimena emango dute testua EITBrentzat podkasta bihurtzeko eta bere euskarri eta hedabideetan zabal dezan eskusiban, mundu osoarentzat eta indarraldirik zabalenean.

Argitalpenek eta Podkast bihurtzeak ez du egile-eskubiderik izango.

Oinarrien onarpena: Lehiaketara aurkezteak baldintza guztiak onartzen direla esan nahi du.

